

# “श्री गणेश चालीसा”

[ganeshaartilyrics.com](http://ganeshaartilyrics.com)

॥ दोहा ॥

जय गणपति सदगुण सदन, कविवर बदन कृपाल ।  
विघ्न हरण मंगल करण, जय जय गिरिजालाल ॥

॥ चौपाई ॥

जय जय जय गणपति गणराजू ।  
मंगल भरण करण शुभः काजू ॥ ०१ ॥

जै गजबदन सदन सुखदाता ।  
विश्व विनायका बुद्धि विधाता ॥ ०२ ॥

वक्र तुण्ड शुची शुण्ड सुहावना ।  
तिलक त्रिपुण्ड भाल मन भावन ॥ ०३ ॥

राजत मणि मुक्तन उर माला ।  
स्वर्ण मुकुट शिर नयन विशाला ॥ ०४ ॥

पुस्तक पाणि कुठार त्रिशूलं ।  
मोदक भोग सुगन्धित फूलं ॥ ०५ ॥

सुन्दर पीताम्बर तन साजित ।  
चरण पादुका मुनि मन राजित ॥ ०६ ॥

धनि शिव सुवन षडानन भ्राता ।  
गौरी लालन विश्व-विख्याता ॥ ०७ ॥

ऋद्धि-सिद्धि तव चंवर सुधारे ।  
मुषक वाहन सोहत द्वारे ॥ ०८ ॥

कहौ जन्म शुभ कथा तुम्हारी ।

अति शुची पावन मंगलकारी ॥ ०९ ॥

एक समय गिरिराज कुमारी ।  
पुत्र हेतु तप कीन्हा भारी ॥ १० ॥

भयो यज्ञ जब पूर्ण अनूपा ।  
तब पहुंच्यो तुम धरी द्विज रूपा ॥ ११ ॥

अतिथि जानी के गौरी सुखारी ।  
बहुविधि सेवा करी तुम्हारी ॥ १२ ॥

अति प्रसन्न हवै तुम वर दीन्हा ।  
मातु पुत्र हित जो तप कीन्हा ॥ १३ ॥

मिलहि पुत्र तुहि, बुद्धि विशाला ।  
बिना गर्भ धारण यहि काला ॥ १४ ॥

गणनायक गुण ज्ञान निधाना ।  
पूजित प्रथम रूप भगवाना ॥ १५ ॥

अस कही अन्तर्धान रूप हवै ।  
पालना पर बालक स्वरूप हवै ॥ १६ ॥

बनि शिशु रुदन जबहिं तुम ठाना ।  
लखि मुख सुख नहिं गौरी समाना ॥ १७ ॥

सकल मगन, सुखमंगल गावहिं ।  
नाभ ते सुरन, सुमन वर्षावहिं ॥ १८ ॥

शम्भु, उमा, बहुदान लुटावहिं ।  
सुर मुनिजन, सुत देखन आवहिं ॥ १९ ॥

लखि अति आनन्द मंगल साजा ।  
देखन भी आये शनि राजा ॥ २० ॥

निज अवगुण गुनि शनि मन माहीं ।  
बालक, देखन चाहत नाहीं ॥ २१ ॥

गिरिजा कछु मन भेद बढ़ायो ।  
उत्सव मोर, न शनि तुही भायो ॥ २२ ॥

कहत लगे शनि, मन सकुचाई ।  
का करिहौ, शिशु मोहि दिखाई ॥ २३ ॥

नहिं विश्वास, उमा उर भयऊ ।  
शनि सों बालक देखन कहयऊ ॥ २४ ॥

पदतहिं शनि दृग कोण प्रकाशा ।  
बालक सिर उड़ि गयो अकाशा ॥ २५ ॥

गिरिजा गिरी विकल हवै धरणी ।  
सो दुःख दशा गयो नहीं वरणी ॥ २६ ॥

हाहाकार मच्यौ कैलाशा ।  
शनि कीन्हों लखि सुत को नाशा ॥ २७ ॥

तुरत गरुड़ चढ़ि विष्णु सिधायो ।  
काटी चक्र सो गज सिर लाये ॥ २८ ॥

बालक के धड़ ऊपर धारयो ।  
प्राण मन्त्र पढ़ि शंकर डारयो ॥ २९ ॥

नाम गणेश शम्भु तब कीन्हे ।  
प्रथम पूज्य बुद्धि निधि, वर दीन्हे ॥ ३० ॥

बुद्धि परीक्षा जब शिव कीन्हा ।  
पृथ्वी कर प्रदक्षिणा लीन्हा ॥ ३१ ॥

चले षडानन, भरमि भुलाई ।  
रचे बैठ तुम बुद्धि उपाई ॥ ३२ ॥

चरण मातु-पितु के धर लीन्हें ।  
तिनके सात प्रदक्षिण कीन्हें ॥ ३३ ॥

धनि गणेश कही शिव हिये हरषे ।  
नभ ते सुरन सुमन बहु बरसे ॥ ३४ ॥

तुम्हरी महिमा बुद्धि बड़ाई ।  
शेष सहसमुख सके न गाई ॥ ३५ ॥

मैं मतिहीन मलीन दुखारी ।  
करहूं कौन विधि विनय तुम्हारी ॥ ३६ ॥

भजत रामसुन्दर प्रभुदासा ।  
जग प्रयाग, ककरा, दुर्वासा ॥ ३७ ॥

अब प्रभु दया दीना पर कीजै ।  
अपनी शक्ति भक्ति कुछ दीजै ॥ ३८ ॥

॥ दोहा ॥

श्री गणेश यह चालीसा, पाठ करै कर ध्यान ।  
नित नव मंगल गृह बसै, लहे जगत सन्मान ॥

सम्बन्ध अपने सहस्र दश, ऋषि पंचमी दिनेश ।  
पूरण चालीसा भयो, मंगल मूर्ती गणेश ॥

[ganeshaartilyrics.com](http://ganeshaartilyrics.com)